

3. Pasion Lam Manawh Upna

a). Laisiangtho bulphuhte: Heb. 11:1-3, 6; Matt. 17:20 Rom. 10:17; 1:17

b). Thupatna

Hih pen a si nasepte pan a kisikkikna pan khantohna ngeina hi. I bulphuh penpen in ei-le-ei ahiah mah bangin, tu in i bulphuh bel pen Pasion hi. Asi nasepte pen Pasion lam manawh upna tawh kitu kalh den hi. Eite pen hong hi thei sak ahi 'lamah kiheina' ah 'lam pan kiheina' i neih ding ahi hi. I khantoh nading in Pasion lam manawh upna i cin theih nading in a si nasepte pan kisik kikna a om ding ahi hi. A taktak in bel Pasion sunga Upna lo peuhmah pen a si ahi hi (Heb. 11:6; Rom. 14:23). Hih dinmun bulpi thumaan tawh kisai in upna cih pen, midang khat leh tua midang khat kammal tungah muanna, khamuanna leh lungmuanna neihna ahi hi. Pasion sunga upna neihna pen ei-le-ei kimuan na pan amah muan na ah kikhel na hi.

c) Koi ci bang tawh Pasion lam manawh upna khangto sak ding?

(i) Amaan a dik lungsim ngaihsutna neihna

Upna pen zolna khat hi. Upna cih kammal pen Greek kammal 'pistis' pan hi a, 'a kho zolna, a khauh leh a muak upna, na khat ii thu maan kiphawkna, cih na hi (2Tim. 1:12). Pasion tawh lo in na khempeuh a mawkna pi a hihna i phawk theih ding kisam hi. Upna ah kiniam khiat na leh Pasion deih na ah kipiakna lungsimpuak kihel a, (Phil. 2:5-8). tua bang lungsim puak i pulak ding kisam hi.

(ii) Upna pen a thupi pen leh a taktak a hihna phawk theihna

Upna pen nate a om takpi banga ngaihsutna leh lunggulhna hilo hi. Hih pen i sunglam a Khasiangtho nasepna tawh thuman phawk theihna hi. Na khatpeuh ading Pasion in upna hong piak leh, Pasion lungsim ah tua na om takpi in ei a bangin hoih hi cih kiciantak in theitheih hihang (Heb. 11:1; Num. 23:19).

(iii) Upna pen Pasion kiang pan a letsong hi cih phawktheih na.

Ei-le-ei in upna i neih dong in sem thei lo hihang. Hih pen lungsim hahkatna pan a piang hilo hi. Khasiangtho in i lungtang sungah Pasion up theihna hong koih ding kisam hi (Eph. 2:8).

(iv) Pasion i theih na tungtawn in upna khangto hi.

Na theih loh mikhat peuh muang thei lo hi teh. Pasion leh a thumanna, a itna, a zia, a lampite leh a liatna cihte i theih semsem leh amah muang thei semsem ding hihang. Hih pen Pasion lam manawh upna taktak bulpi ahi hi (Deut. 7:9; Psa. 9:10; I Thess. 5:24). Laisiangtho tungtawn kihual a, eite tungah hong kipulak pahna tungtawn in theitheih hihang. Upna tawh Pasion i kilat sak mah bang in i nuntakna a isinkhak thute tungtawn in hong behlap lai hi (Heb. 11:6). Amau tungah i genna lo tawh mikhat peuh kitheitheih lo hi. Tua hi a, thu nget na pen Pasion theih nading a a lamdang deihna khat ahi hi. Thungetna in a tawntung in thu nih lakkhia hi. Amasa in, i sep i bawl khempeuh Pasion deihna sungah a hih ding lunggulhna lungtang leh, a nihna ah ama tungah kipum apna kipulakna hi. Pasion thumanna pen lian in, khial ngeilo a, a tawntung hi cih phawk in (Psa. 119:90). Ama thumanna ah ei-le-ei i ki-ap ding leh (1Pet. 4:19; Heb. 10:23). a thumanna i kilat khiatsak ding kisam hi (Psa. 92:1-2; 89:1).

(v) **Upna pen zakna dawn kikna hi.**

Pasian in ama ngaihsutnate pen ama kammal tungtawn in hong theisak hi. Khasiangtho zang in. Eite tunga hong gente hong zaksak theih teh tua in eite sungah up theihna tawh hong dawng kiksak, aih keh, a gen thu pen maan takpi leh eite ading hi ci in hong zol hi. "Upna pen zak na pan hi a, zakna pen Pasian kammal pan hi." (Rom. 10:17 AV). Eite hong kipia upna kammal i pulak a, tua tungah i din leh, a kilawm bangin tua bangin i gamtat leh, eite sunga nasem Pasian sep theihna vangliatna eite in mu in, tua kammal tungtawn in hong kikamciam khinsa pen hong tangtungsak hi. Upna tawh a piang theilo bangmah om lo cih Zeisu in hong gen hi (Matt 17:20). Upna nei hna ah, thu theihna nak khat bek tung a kingakna (i kisap). a thu a theihna pan, a sangzaw thu theihna (i.e., a kipulak thu theihna). tungah kingakna ah kikhelna kihel hi.

A thu a theihna pen phawk theihna ngate tungtawn a mi mawmawk khat a hong pai thu theihna khempeuh hi. Hih pen a kiciangtan theihna hi a, mihing pilna ci in kipulak hi (1Cor. 2:4-6). A kipulak thu theihna pen mihing phawk theihna ngate leh ngeina ngaihsut theihnate tungah kinga lo a, a sang pen nak, Pasian kammal thuman thutak tungah kinga hi. Hih pen Khasiangtho pan mihing kha tungah kilangh a, tua pen Pasian pilna ci in kigen hi (1Cor. 2:7-16). "Tu in upna in, i lamette telcianna le i muh lohte theihtelna ahi hi." (Heb. 11:1; uanggen pen mun)

(vi) **Upna pen Pasian leh ama thumanna sinkhakna pan hong pai hi**

Pasian lam manawh upna i neih semsem leh ama thumaanna i sinkha semsem a, i upna khang semsem hi. Pasian in eite tungah cidamsakna leh na lamdang cih letsongte hong pia khin a, tuate in amah kaww in i upna hong khangsak hi (Jn. 2:11; Jn. 11:15)

(vii). Abeisa thumannate i phawk teh upna khang hi.

d) Thukhupna

Upna pen buainate tan manawh khuak lam ngaihsutna hilo hi. Hih pen Pasian ngeina hi pah hi. Pasian pen upna Pasian hi; Aman upna tawh khua vaannuai piangsak hi (Heb. 11:3). Pasian Khasiangtho tawh a piangthak mi khat in Pasian ngeina hihtheihna ngah hi. Mi khempeuhte pianzia lui pen lau na, uplahna, lungbuaina leh khialhna cihte in up cip a, ahizong in pianzia ngeina thak pen Pasian ngeina hi a, tua pen a bawl thei, buai na/ap khapna lakpan a kilemkik sak thei, (Gen. 1:2), sihna sungpan a nuntakna, cinatna sungpan a, damna, zawnna lakpan a, cih theih daupai na, khialhna sung pan a, thuman thutak, mawhna sungpan a thuman thutak, cihte piangsak hi. Upna pen hih ngeina thakte a lakkhia ahi hi (Rom. 1:17). Pasian lam manawh upna pen Zeisu nungzuite nuntak zia ahi hi.

e) Dotnate leh kikup khopnate

1. Banghang in upna kihel lo na khat peuh a si hiam?
2. Upna kihel lo na khat peuh Pasian lam manawh in i sem hiam, Tua pen bang ci sep ding i hi hiam?
3. 1Jn. 5:4-5 leh 1Pet. 1:5te in upna thu bang ci gen hiam?
4. Sepkhiatna tawh a kilakkhia kik lo pi in upna nei ing i ci thei hiam? (James 2:14-26)
5. Upna piangsak leh a kicingsak kua hiam? (Heb. 12:2)

- 6. 'Muhna tawh hilo, upna tawh i nungta hi.' a cih in bang a cih nopna hiam? (2Cor. 5:7)
- 7. Koici bang in upna amah leh amah kilakhia ding hiam? (Gal. 5:6)

f) Tomlakna leh Zatpahna

- 1. A si nasepte pan kisikkikna pen khantohna dingin Pasion lammanawh upna ading kisas hi.
- 2. Upna lo tawh Pasion kilungdam sak thei lo hi.
- 3. Upna pen Pasion gensate hong piang ding hi ci a upna hi.
- 4. Upna ah ei-le-ei kimuanna sangin Pasion muan zawkna kihel hi.
- 5. Pasion lam manawh upna pen Zeisu nungzuite nuntakzia a hih ding kisas hi.
- 6. Upna pen Pasion kiang pan hong pai hi.
- 7. Pasion i theihna a khan mah bangin i upna khang hi.